

中國方志叢書·華北地方·第三二三號

據清·舒其紳等修·嚴長明等纂
清·乾隆四十四年刊本

影印

陝西省

西安府志



10098741

成文出版社有限公司印行

中國方志叢書·華北地方·第三二三號

據清·舒其紳等修·嚴長明等纂
清·乾隆四十四年刊本

影印

陝西省

西安府志

成文出版社有限公司印行



藏書



10098743


中國方志叢書·華北地方·第三一三號

據清·舒其紳等修·嚴長明等纂
清·乾隆四十四年刊本

影印

陝西省

西安府志



成文出版社有限公司印行




中國方志叢書•華北地方•第三二三號

陝西 省

西 安 府 志

據清·舒其紳等修·嚴長明等纂
清·乾隆四十四年刊本 影印



成文出版社有限公司印行



10098601


中國方志叢書·華北地方·第三三三號

據清·舒其紳等修·嚴長明等纂
清·乾隆四十四年刊本影印

陝西省

西安府志

(五)



成文出版社有限公司印行



10098602

中國方志叢書·華北地方·第三一三號

據清·舒其紳等修·嚴長明等纂
清·乾隆四十四年刊本

影印

陝西省

西安府志



成文出版社有限公司印行



10098742

中華民國五十九年

月臺一版

西安府志

全六冊

發行人：黃成助

出版者：成文出版社有限公司

台北郵政信箱二二六〇五號

台北市羅斯福路三段279之二號


電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

乾隆己亥冬鐫



府署藏板

古者以大臣出爲郡守天子得親見問優者輒勞璽書賜金增職甚至入爲三公蓋謂其承流宣化實能名實相應致其事于民也然一郡之內古今疆索殊其致山川民物異其宜利弊沿革必先貫拂于中而後見之施行各得其職是以班氏漢書首志地理誠見夫欲行所知未有不先以尊所聞者也西安古稱天府四塞豐鎬宅京而後秦漢隋唐咸建都邑于此因是掌故甲于寰宇余于乾隆癸巳奉

天子命簡任封圻巡撫茲土七稔于茲其間名山大川以暨故墟廢井車塵馬跡大半經行然于山則終南惇物太乙垂山武功太白一實數名于水則灞滻涇渭

澧鎬涼濁存亡分合雖孔傳班書桑經酈注迄無定

論錐指莫繇其他襲故沿譌更難究詰向著關中勝蹟圖志類加辨析而隻議單辭相羊莫助歲乙未江

寧嚴侍讀

長明

以病在告稅駕關中因以積疑與之

上下侍讀所見多與余相脗合丙申入

覲爰請先將關中府志重加修輯荷蒙

俞允秉節西旋廻以首郡屬其排纂武進莊州倅忻佐之

侍讀因與原本史裁發凡起例商榷既定復以茲事

體大率臆莫憑廻攜歸金陵蒐薈羣籍凡與秦中文

獻關涉者計得千數百種目載卷首類次區分文成數萬

致力可謂勤矣猶以事不深于政術理弗密于時務

史廓經鄆事等駟販識者恧焉因是復詣青門適榆
林舒太守其紳調任首郡修明政教百廢具舉公餘
之暇力任蒐揚閱其所上圖冊至於兼兩莫能勝載
侍讀復詳加決錄州次部居爲門二十有五分類五
十有一統計成書八十卷剗劂歲事以全函來上復
請序以弁其首余時方奉

命署理督篆金城侯館間時復披覽其文則簡要而事復
賅綜具程大昌之博議而謝其煩蕪擅何景明之雅
材而加以典實蓋侍讀讀書破萬故能裹百論以貫
三長而舒守本實心以行實政卽其甄錄所在而於
食貨見其勤求政本焉于建置見其興舉廢墜焉於

學校官師知其興德造而重循良於忠貞節烈知其
闡幽潛而維風教則是志也固一郡之獻徵卽謂太
守之治譜可也昔京兆尹之盛無過兩漢今觀所載
如張敞翟方進雋不疑顏斐諸人皆起家經術不徒
以文法見長厥後咸至大官今當計吏之年余以太
守才猷卓著爲書上考列薦於


朝肆

觀後蒙

恩嘉勞行將盡英騰茂允升于大猷爰爲述其顛末用示
郡有良二千石能以文學祓飾吏治不特長吏與有
榮施兼使列郡諸守亦知所以自効也

乾隆己亥秋七月朔

賜進士及第兵部侍郎兼都察院右副都御史巡撫陝西
西安等處地方贊理軍務兼理糧餉署理陝甘總督
兼管甘肅巡撫事軍功加七級鎮洋畢沅撰



國家重熙累洽久道化成輶軒所達山陬海澨遺書逸
典靡不兼採畢獻以充金鑽石室之藏甚盛際也余
自維檮昧蚤歲通籍仰承

恩命由兵曹觀察畿輔不一歲復荷

新綸旬宣茲土夫西安爲古雍州形勝之地豐鎬旣宅下
逮秦漢隋唐代建皇畿神皋奧區龍興虎視其中疆
索山川民物政教因革損益憲古證今迥非列郡所
能方駕己亥秋中蒞任以後訪宋敏求所修長安志
于藏書家不可得因取州縣所修志籍詳加披覽率
皆近代甄輯體例襍書言人人殊難以徵信未幾而
郡守舒君以新修府志來上復請序以弁其端閱之

始知今

大中丞畢公於丙申入

覲有修明志乘之

奏是編則江寧嚴侍讀

長明

所纂輯者也余與侍讀于

乾隆戊子歲相與奉筆

機廷後先五載深悉其姪雅閑通爲當代著作巨手茲

閱是編甄綜羣籍原本史裁而太守舒君復爲參稽

案牘斟酌民言俾一郡之掌故眉列掌示宜于古不

悖于今信乎可備是邦之文獻而資賢守之設施矣

昔漢蕭何入關先取圖籍厥後三輔黃圖西京雜記

兩京道里咸鎬故事諸書摛文隸事艷溢縹緲然存

亡率多參半傳者如程泰之之雍錄何大復之雍大記或失之煩或失之簡求能綜括古今而復折衷典則如今所著者方之于古豈易覲耶余自從宦以來久疎簡畢近歲復奉

命從征西南徼外戎馬馳騁更滋荒率今者方蒞茲土而皇然大著適觀厥成良深慶幸微君請亦將欣然泚筆以序之也繼自今甘露時雨沐浴

湛恩名山大川揚詡

盛德上以備四庫之儲藏下以佐三輔之化理胥在于是不其禕歟是爲序

乾隆己亥秋九月望陝西承宣布政使尙安撰